

國民 文獻 分類 編續

國家圖書館出版社

民國文獻類編續編

文化藝術
卷

848

民國時期文獻保護中心
中國社會科學院近代史研究所

編

民國文獻類編續編

文化藝術
卷
848



民國時期文獻保護中心
中國社會科學院近代史研究所
編

國家圖書館出版社

第八四八冊目錄

浙江省立圖書館大學路總館開幕紀念冊 浙江省立圖書館編 浙江省立圖書館，

一九三二年出版 一

浙江省立圖書館出版圖書目錄 浙江省立圖書館編 浙江省立圖書館，一九三四年

出版 五三

浙江省立圖書館章則一覽 浙江省立圖書館編 浙江省立圖書館，一九三五年

出版 一一五

江蘇省立國學圖書館編目分類綱要 江蘇省立國學圖書館編 江蘇省立國學


圖書館，民國間出版 一六三

大夏大學圖書館普通參考圖書目錄 大夏大學圖書館編 大夏大學圖書館，

一九三六年出版 一二七

廣州市市立中山圖書館開幕紀念 廣州市市立中山圖書館編 廣州市市立中山

圖書館，民國間出版 一二五五



館書圖立省江浙

館總路學大

冊念紀幕開



日五十月九年一十二國民華中

浙江省立圖書館大學路總館

開幕紀念冊



卷端語

插圖

大學路新建總館之全景

湯蟄仙先生遺像

館內書庫之一角


浙江省立圖書館大學路總館紀略

浙江省立圖書館概況

湯蟄仙先生小傳

丁松生先生誕生百周年紀念


浙江省各縣市圖書館事業之一瞥



浙江省立圖書館承文瀾閣之舊業，繼藏書樓之遺規，推宏發揚，垂百餘年。自清季興建外西湖館屋，實四庫其中，而以舊藏書樓爲分館。方民國二年開幕之時，固已羣慶規制有擴于昔。然人事演變，社會之需求日進，而分館館舍狹隘，常苦人滿，總館僻處西湖，交通未便，論者病之。今紹興湯先生捐建圖書館于大學路，既成，當局卽以屬之省立圖書館。以遭時多故，開放稍稽時日。今經數閱月之籌備，書庫與各室，布置差已就緒，規劃內容，亦復略事更張，始以二十一年九月十五日正式開幕。本館懷職責之重大，期前途之進展，用是廣請本省各界人士，寵蒞盛會，賜以教督；更以開放伊始，有欲爲社會告者甚多，因掇述爲辭，成茲小冊，既爲請益之資，亦以昭信史于來茲焉。

斯館自創始以底于成，凡歷五年，其捐資建築籌備之經過，不辭觀縷，悉著于「總館紀略」一文。本館規制內容，舊時一覽已有不符，公分項舉述以成「概況」，蒞臨諸公，既得由此略悉本館之近況，本館亦將藉此以求教于明達。湯先生捐資二十萬，實建斯館，宏略紀其行事，竊比「小傳」，以誌感仰之思。文瀾四庫全書，曾遭浩劫，鈔補闕簡，克復舊觀，緊維錢塘丁松生先生之功。今歲爲先生誕生百週年紀念，本館追維往昔，爰于開幕後展覽丁公文物二日，更掇述懿行之有關文化者以成篇。撫新追往，其事雖殊；導揚學術，其旨實同。本省各縣市圖書館近年來頗有增設，而省立者惟本館；自愧無以副當局之望，盡輔導之責，然地方圖書館事業，應爲關心本省文化者所欲聞，爰假此冊，附刊簡短之數字報告以爲殿。至于本館同人之所期望，已略識于紀略之末節，卷端僅標內容，不復具贅。「省立圖書館具提高學術研究之旨，有輔助社會教育之責，其有繫于本省文化者至重。本館同人棉薄，時懼勿勝負荷，值茲新建館舍開放，自當益自勉，而改善推進，尤有望于邦人士之指導與教督。謹以至誠，祝本館前途之進展，祝浙江文化之發揚，而進以期成中國文化之復興。」

最近開放之本館大學路總館



本館新建宿舍，位於大學路，為趙興湯氏所捐建，經始於十七年十一月，落成於二十年三月，凡分三層：地下室為貯藏及裝訂等室，大層有閱覽室，上層為演講廳及辦公室等，書庫凡四層，二十年十二月由本館接收，本年十一月開始籌備，九月十五日正式開放，

捐建本館之湯蟄仙先生


公諱壽潛、字蟄仙、紹興人、清翰林、生于咸豐七年、曾任清陽、政績卓著、庚子禍作、力主東南互保、辛丑賠款、建議改金磅為銀洋、乙巳滬杭築路、主集資自辦、拒借英款、事雖不行、並足徵其遠識、



民國初年、出任浙江都督、并衛桑梓、厥功甚偉、六年夏、中風逝世、遺命捐貲二十萬元于本省文化事業、公子拙存輩存兩君、恪承先志、建議該款為建築圖書館之用、此即本館大學路總館所自來也。

書庫之一斑

書庫位館舍後方，共四層，均鋼骨鐵架，造價一萬五千餘元，可藏書七十



萬許冊，現第一層存放外國文書及通常類平裝漢籍，第二三層藏線裝書，第四層放雜誌及報章，

浙江省立圖書館大學路總館紀略

一、興建之由來
三、合併之經過
五、開放之籌備

二、建築之始末
四、經費之收支
六、前途之展望

中華民國二十一年九月十五日，浙江省立圖書館在大學路之新建館舍正式開幕，距其落成，已更寒暑，溯其始建，且逾四載。全省人士，翹然蒞止，所以期望之者至殷。本館緬懷前人之豐功，深維今後之使命，以爲肇建經過，不可無紀。爰據案檔，臚述建築合併與籌備開放之經過，以存信史，而誌國人，亦以自惕勵焉。

一·興建之由來

浙江之圖書館事業，遠溯于清高宗之頒文淵閣四庫全書，近肇于學政張亨嘉之創設藏書樓，（一九〇三年即光緒二十九年）而省立圖書館規模之確立，則始于外西湖孤山館屋之落成。（一九一三年即民國二

年）巡撫增韞創其議，前館長錢恂觀其成，建築歷三年，費四萬餘金。自是以後，省垣之圖書館分設于孤山與新民路二地，學者便之。然孤山地處僻遠，往返需時，分館則屋舍逼窄湫隘，復不能暢其用。是以關心教育之士，莫不以省立圖書館應有新建館舍之必要也。

紹興湯蟄仙先生（壽潛）初主浙路，有功光復，共和肇建，受任都督，導揚文教，不辭勞瘁。民國六年先生歿，遺言捐銀二十萬圓於浙江省教育事業，以遂恢宏文化之願。其嗣子拙存先生（名孝估）以一時不克籌足捐銀，乃以所有現款及其他產業，交浙江省教育會管理，期以收息合成捐數，訂約呈省當局備案。十六年，國民革命軍奠定浙江，浙江省政府成立。六月，拙存先生以捐銀數滿，呈省府請予結束。並以浙江圖書館無寬大之館屋，建議以此款為建築省立圖書館之用。

十六年六月十七日，省務委員會議決湯氏捐款歸國立第三中山大學籌備委員會保管。七月七日，由省教育廳派第一科科长沈肅文向原管理員點收捐銀計本息二十二萬元另五百五十一元，翌日，點交與三中大籌委會保管，從湯氏之議，以為建築圖書館之準備。于是興建之事定，其時正就農專工專之舊基，擴為大學，故即以此責之大學焉。

一一·建築之始末

館舍之建築，溯自遷移義阡，在十七年二月十九日，迄于內部各項工程及圍牆號房等之完成，在二十年三月之杪，凡歷時三年有奇。而館內之辦公室裝置等，則在本年八月猶復從事，底層地窖之修理，至今且限于經費，未能措手焉，茲分紀館址之確定，建築負責機關之設立，工程之設計，及建築設備工程之經過等于次：

1. 館址之確定

興建圖書館之事既定，于是省當局乃商議地址。十七年一月，省政府決定以杭州市大學路（舊蒲場巷）前武備學堂操場爲館址。（二月十八日第六九次會議）旋即由第三中山大學（後改名浙江大學）接收。（二月二十五日）四月間，收用舊武備學堂南面餘地。五月，復委托杭州工務局代爲收用操場東北土地及尼菴，一面將東南土山開闢，填塞該處原有湖蕩，使與工學院西面院地銜接。至是館址全部確定，計東至場官弄及土山前空地，南至陳姓等墻脚，西至大學路，北至國立浙江大學文理學院及新開河，共約二十畝。所有測地製圖事宜，均委託杭州市工務局代辦。至館舍之位置，係由建築委員會及工程監察委員會（見下）於十七年十一月十二月兩次聯席會議決定。又舊武備學堂操場中之東部，原有遜清義烈遺阡一區，以建築館舍，地位無從避免，特於靈隱金字山麓購地遷葬，自二月迄三月杪工竣，墓前樹原碑，且新立石以紀其事。

2. 建築與工程監察委員會之成立

浙江省政府既委托浙江大學代爲管理捐銀，建築事宜，旋亦由當局決定交浙大主持。十七年八月六日，省府會議（一四二一）決定組織浙江圖書館建築委員會與工程監察委員會，分掌其事。（其後大學區制停止試行，復由浙江省政府委員會於十八年六月二十二日議決仍委托浙江大學代爲管理）於是建築委員會於八月二十八日成立，其章程及委員人選與章程如下：

浙江圖書館建築委員會簡章

第一條 浙江圖書館建築委員會隸屬於浙江大學由左列各員組織之。

(1) 浙江大學行政處代表一人 (2) 建設廳代表一人 (3) 杭州市工務局代表一人 (4) 浙江省立圖書館代表一人 (5) 浙江大學工學院代表一人 (6) 建築師一人 (7) 湯氏代表一人。

第二條 本委員之職掌如左

(1) 關於建築計劃之審定事宜 (2) 關於建築工程細則之擬訂事宜 (3) 關於招工投標事宜 (4) 關於包工人之選擇事宜 (5) 關於訂立各項合同事宜 (6) 關於包工人領款之審核事宜 (7) 關於建築期間變

更計劃事宜(8)關於驗收事宜。

第三條 本委員會設常務委員一人由浙江大學行政處代表充任辦理日常事務及召集會議並為開會時之主席。

第四條 本委員會議決事項應經浙江大學校長核准後分別執行。

第五條 本委員會於浙江圖書館全部竣工時撤銷之。

第六條 本簡章自浙江大學校長核准日施行。

浙江圖書館建築委員會委員題名

徐世大(浙江省建設廳) 陸鳳書(同上，徐去後由陸繼)

朱有卿(杭州市工務局) 沈肅文(浙大祕書處)

吳馥初(浙大工學院) 韓培實(本館)

劉既漂(建築師)出席

(以上為正式委員)

湯子枚 沈仲山 秦永聲 楊味餘(以上浙大祕書處)

馮漢驥(浙大文理學院)

(以上五人為列席者)

工程監察委員會至十月十六日成立，其章程與人選如次：

浙江圖書館工程監察委員會簡章

第一條 浙江大學依據浙江省政府委員會第一四二次會議議決案為監察圖書館建築工程起見組織浙江圖書館工程監察委員會。

第二條 本委員會以左列人員組織之。

第三條

(1)浙江大學行政處代表一人(2)省政府建設廳代表一人(3)浙江大學工學院代表一人(4)杭州市工務局代表一人(5)建築師一人(6)湯氏代表一人。

本委員職掌如左

(1)關於建築工程各項情弊之檢舉事宜(2)關於建築計劃之建議事宜(3)關於工程上各項合同規則之審查事宜(4)關於建築材料之審查事宜(5)關於建築工程之監察事宜(6)關於包工人領款之審核事宜(7)關於工程之驗收事宜。

第四條

本委員會設常務委員一人由浙江大學行政處代表充任處理日常事務召集會議並為開會時之主席。

第五條

本委員會定於每週星期一下午三時開常會一次臨時會無定期由常務委員召集之。

第六條

本委員會議決案均由常務委員彙集送呈浙江大學校長核定執行。

第七條

本委員會委員每週至少須到場視察一次並將視察情形報告本會。

第八條

本委員會俟浙江書圖館全部工竣驗收後撤銷之。

第九條

本委員會各項辦事細則由本會自定之。

第十條

本簡章如有未盡事宜得由本會隨時修正之。

第十一條

本簡章自浙江大學校長核准日施行

浙江圖書館工程監察委員會委員一覽

蔣尊第 朱有卿 沈肅文 (以上浙江省建設廳)

薛祖康 曹鳳山 (浙大工學院) (薛辭後曹繼) 劉既漂(建築師)

(以上正式出席委員)

湯子枚 沈仲山 秦永聲 楊味餘 (以上浙大祕書處)

馮漢驥（浙大文理學院）

（以上列席者）

章程原定：兩委員會之委員皆爲七人，然其所定湯氏代表一人，以湯拙存先生等將興建事已交之政府，謙辭不允參與，故實際皆爲六人，惟以浙江大學接洽之便利，故各增秘書處與文理學院職員數人列席。建築委員會照章應以浙江大學行政處代表一人爲常務委員，即推沈肅文任之，工程監察委員會亦然。故建築之進行，沈氏所膺之責最爲繁重云。

自十七年八月迄二十年三月，建築委員會曾開會議三次，工程監察委員會曾開會議十一次，兩委員會舉行聯席會議九十二次，臨時會三次，重要問題，多取決焉。

建築委員會及工程監察委員會成立後，原聘有事務員一人，（傅頌周，後陸子桐繼）嗣以事務繁複，一人未能兼顧，於十八年三月兩委員會聯席會議議決原有事務員一人，不復續聘，另聘浙江大學秘書處職員六人兼任事務文牘會計庶務繕寫各職，酌致津貼。

3. 工程之設計與館舍之奠基

本館建築委員會未成立以前，已于十七年三月聘定劉既漂氏爲建築師，同時並由杭州市工務局介紹上海揚子建業公司計劃館舍工程，即着手試繪館舍圖樣。四月一日，與該公司訂立合同三條，規定公司應負責任七項，（包括設計繪圖及監工等）建築報酬費規定以全部建築費（及附屬工程費）百分之四計算。十二月，該公司派郭鏡堯爲監工員。（十八年七月辭，由吳習之繼）

館舍圖樣，由該公司試繪後，經三次修正，于五月呈奉浙大校長核准，于七月正式繪成。而館舍之模型，則至十八年三月始築成、經兩委會及劉建築師審閱改正通過之。

十八年一月一日，圖書館舉行奠基典禮，由教育部長蔣夢麟（其時仍兼浙浙江大學校長）主席奠基。此時建築工程，遷塚已畢，開土填池正在進行，而正屋之建築，亦已于十七年十一月開始焉。

4. 建築工程與各項附屬工程經過誌略

自建築委員會與揚子建築訂立合同後，即着手設計及招商投標。館舍正屋總圖，于五月杪核定後，十月即開始招標，起訖二十天，投標者有陸順記營造廠等八家，二十二日開標審查，由兩委員會聯席會議于十一月初決定歸陸順記營造廠承包，計標價爲一六七、五〇九元，十三日訂立合同凡十條。自是日起，工程原限九個月完成，嗣因改做地坑等工程，經聯席會議二次議決延長期限。工程進行，至十九年八月十九日完工，凡歷四百一十一日。其建築工程應用材料，並經聯席會議定辦法兩項，隨時推請委員審查焉。

館舍正屋工程之外，如屋外地坑屋內門窗等，則多經開賬建築。圍牆號房等工程，則至十九年始投標建築。此外各項附屬工程，如衛生工程電汽工程等，亦係招標進行。屋內設備，以鋼鉄書架爲最重要，招標結果由文儀洋行設置，計價一九二五五兩，合銀二萬六千餘元，經八閱月工竣。各室木器，亦係投標包做。于十九年十二月完工。最後竣工者，如圍牆號房水泥地及平基之工程，係二十年三月完工，距開始遷塚，已逾時三年矣。

建築完工後所發生一最大之問題，厥爲書庫地坑之滲水。據建築委員會移交時「尙未結束工程一覽表」中「修理地坑」一項所載之說明如下：

書庫地坑，原做有避水層，但完工後，遇大雨時，輒見滲水。詳細審察，水均於牆腳滲出，業經會同工程師討論計劃，擬定修理辦法兩種如下：（甲）將地坑全部油氈重鋪，（乙）在地窖底部加鋪空心磚，而空其一角，瀦積滲漏之水，時以吸水幫浦排除之，並在館舍外面靠地坑處，加做窰井四具，使屋外地面之水，不致橫流。

此事承包正屋之陸順記廠與揚子建業公司之責任何如，茲不具論。惟據本館接收以後之事實，則底層地坑之滲水情形，頗爲嚴重，如今年梅雨後水積至十四英寸，以抽水機抽去。月前多雨，水又深積。恐非添做窰井四具所能濟事。請熟悉工程者察看，皆謂修理需要甚大。今本館除于其高處作貯藏室外，大部分

大學路總館開幕紀念冊

八

惟有暫置不用。而其影響于書庫之潮濕，殊有可慮。今省庫支絀，請增臨時費未果，修理亦惟有停置。吾人顧念一簣之未竣，未嘗不時以修理為念，甚望本省政府與社會，于此事更予以注意與援助，俾本館建築得臻妥善，而文獻圖書之藏，不致有受損之虞也。

今據建築委員會所製之「建築報告」，加以節略，將各項工程招商經過造價及日期列表如次：

各項工程招商承包略表

工 程	別 招 工 辦 法 承 包 人	造 價 (單 位 元)	工 程 起 訖 日 期
遷移義烈遺阡	開帳承包朱 永 連	五四三・六五	十七年二月至四月
開土山填池蕩平基地立界石	開帳點工鼎新營造廠胡慶記泥水作等七家	六、五三〇・四七	十七年二月至十八年十二月
館舍正屋	投 標陸順記營造廠	一六七、五〇九・〇〇	十七年十二月十三日起至十九年八月十九日完工共四百一十一日
屋外地坑磚墻屋內暗溝扶梯及內部裝飾等	開 帳全 上	九、八一五・一六	開工完工日期在建築館舍工程期內
館舍前面地坑水泥地等	開 帳葉華記泥水作	一、一一九・四五	十八年十二月至十九年一月完工
衛生工程	投 標榮德全記公司	一、八九三・九〇	十八年七月至十九年八月
電氣工程	全 上上海德興水電公司	二、五五七・九四	全 上
各室木器	全 上水明昌木器廠	八、三九三・二五	十九年三月至二十二年完工
鋼鉄書架	投標開帳上海文儀洋行	二六、七五五・四九	十九年七月至二十年三月完工